



Broj: 07-06-20-3621-54/23
Sarajevo, 24.02.2023.godine

**Služba za skupštinske poslove
skupštine Kantona Sarajevo**
-ovdje-

Stručna služba Vlade Kantona Sarajevo
-ovdje-

Predmet: Odgovor na zastupničko pitanje Admele Hodžić

Dana 13.02.2023.god. zaprimili smo zastupničko pitanje gđe.Admele Hodžić zastupnice u Skupštini Kantona Sarajevu. Pitanje je podneseno na četvrtoj radnoj sjednici Skupštine Kantona Sarajevo koja je održana dana 08.02.2023.god., u okviru tačke dnevnog reda "Poslanička/zastupnička pitanja, inicijative i odgovori". Isto glasi: "Na osnovu člana 211. Poslovnika Skupštine Kantona Sarajevo („Službene novine Kantona Sarajevo“, broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22) upućujem ministru Ministarstva privrede Kantona Sarajevo, gospodinu Deliću, i ljubazno ga molim da nas izvjesti o rezultatima dosadašnjih provedenih aktivnosti proizvodnje žitarica u KS, odnosno o inicijativi koju sam uputila prema Ministarstvu kojom sam tražila da se u narednom period planiraju i izdvoje sredstva za Općinu Hadžići a koja će se koristiti za stavljanje u funkciju Silosa za žitarice u Tarčinu, te da se također sredstva izdvoje i kreiraju programi podsticaja za narednu sezonu sjetve za poljoprivrednike Kantona Sarajevo koji žele isključivo zasijati žitarice ove godine. Obzirom da sam dobila odgovor da se ove aktivnost već provode od 2008. godine tražim da nas izvjesti o rezultatima i učinku protekle tri godine (2020, 2021, i 2022. god.) kad je došlo do enormnog povećanja cijena žitarica zbog pandemije i rata u Ukrajini.”.

Odgovor:

Poštovana,

u slijedećim tabelama prikazujemo visinu iznosa za podsticaj proizvodnji merkantilnih žitarica i ostvarenu proizvodnju.



Tabela 1. Visina iznosa podsticaja proizvodnji merkantilnih žitarica

Godina	Novčani iznos podsticaja po jedinici proizvodnje za neregistrovane kandidate KM	Novčani iznos podsticaja po jedinici proizvodnje za registrovane kandidate (dopunska djelatnost) KM	Novčani iznos podsticaja po jedinici proizvodnje za registrovane kandidate KM
2016	420	480	600
2017	420	480	600
2018	490	560	700
2019	560	640	800
2020	595	680	850
2021	595	680	850
2022	695	760	950

Tabela 2. Ostvarena proizvodnja u ha

Godina	Ostvarena proizvodnja u ha		
	Neregistrovana lica	Registrovana lica (dopunska djelatnost)	Registrovana lica (osnovna djelatnost)
2016	114	7	131
2017	72	1	58
2018	76	3	68
2019	87	6	63
2020	73	17	169
2021	49	17	151
2022	60	48	178

Kao što se može vidjeti iz prikazanih podataka visina novčanih podsticaja po jedinici proizvodnje je pratila cijene repromaterijala pa se i kretala uzlaznom putanjom.

Iz ovih podataka može se vidjeti da je visina iznosa imala utjecaja na povećanje proizvodnje u periodu 2020-2022. god. u odnosu na 2019. godinu, posebno kod registrovanih lica (dopunska i osnovna djelatnost) za više od dva i po puta. Kod neregistrovanih (fizičkih lica) nismo imali takav rezultat, jer isti imaju vjerovatno određene ograničavajuće činioce.

Naime, moramo vas upoznati sa činjenicom da značajna ratarska proizvodnja koja bi mogla uticati na snabdijevanje i stabilnost cijena na tržištu zahtjeva ispunjavanje i poklapanje mnogih uvjeta.

Inače, osnovno sredstvo proizvodnje i istodobno objekt rada u ratarstvu su tlo i biljka. U planiranju i provedbi biljne proizvodnje agroekološki uvjeti (klima i tlo) predstavljaju jedan od najznačajnijih činioaca, a zajedno s biljkom čine cjeloviti i jedinstveni proizvodni lanac. Zatim, različiti prirodni uvjeti (reljef, klima, tlo, padavine) kao i površina parcele (koja je kod nas veoma nepovoljna-tačnije vrlo usitnjena) određuju primjenu specifičnih agrotehničkih mjera i sredstava u proizvodnji ratarskih kultura i njihovih sorti.



Dalje, u planiranju biljne proizvodnje uvijek treba računati na areal rasprostranjenosti odnosno uzgojni areal svake biljne vrste, kao i na amplitudu optimalnih i izvjesnost prirodnih ograničenja. Moramo znati da nijedan od agroekoloških elemenata ne djeluju izolirano, već u međudjelovanju sa drugima, a to svakako otežava sigurnu proizvodnju i dobar prinos.

Dakle, na osnovu svega naprijed navedenog, a takode i poznate činjenice da područje općine Hadžići nije ratarski povoljno područje, ipak možemo biti zadovoljni postignutim rezultatima, odnosno uticajem koji je visina podsticaja imala na povećanje proizvodnje.

Svjesni smo i predloženog smanjenog budžeta za tekuću godinu, te će ovo ministarstvo inicirati povećanje istog.

U skladu sa naprijed navedenim, a kod kreiranja Odluke o programu utroška sredstava, iznosima novčanih podsticaja, minimalnim uslovima za početak proizvodnje, minimalnim uslovima za investiranje i rokovima podnošenja zahtjeva za 2023. godinu ovo ministarstvo će razmotriti vašu inicijativu u skladu sa raspoloživim finansijskim sredstvima.

Lijep pozdrav!



Dostaviti:

1. Naslovu 2x
2. Evidenciji.
3. a/a